

神農本草經

卷中
卷下

本草經卷中

雄黃

雌黃

石鍾乳

殷孽

孔公孽

石流黃

凝水石

石膏

陽起石

慈石

理石

長石

膚青

鐵落

當歸

防風

秦艽

黃耆

吳茱萸

黃芩

黃連

五味

決明

勺藥

桔梗

乾薑

芎藭

蘼蕪

藁本

麻黃

葛根

知母

貝母

枯樓

丹參

龍眼

厚朴

猪苓

竹葉

枳實

玄參

沙參

苦參

續斷

山茱萸

桑根白皮

松蘿

白棘

狗脊

草解

通草

石韋

瞿麥

敗醬

秦皮

白芷

杜若

檨木

枝子

合歡

衛矛

紫威

無夷

紫草

紫苑

白鮮

白薇

薇銜

泉耳

茅根

百合

酸漿

蠡實

王孫

爵牀

王瓜

馬先蒿

蜀羊泉

積雪草

水萍

海藻

假蘇

犀肉

零羊肉

羖羊肉

白馬莖

牡狗陰莖

鹿茸

伏翼

蝟皮

石龍子

露蜂房

樗雞

蚱蟬

白彊蠶

木蟲

蜚蟲

蜚廉

桑螵蛸

蟻蟲

蟻螯

蛞蝓

水蛭

海蛤

龜甲

鼈甲

鰓魚甲

烏賊魚骨

蟹

梅實

蓼實

蔥實

水蘇

大豆黃卷

雄黃。一名黃食石。味苦平。生山谷。治寒熱鼠瘻。惡瘡疽
痔。死肌。殺精物惡鬼邪氣。白蟲毒腫。勝五兵。鍊食之輕
身神仙。

雌黃。味辛平。生山谷。治惡瘡頭禿痂疥。殺毒蟲。身痒。
邪氣。諸毒蝕。鍊之久服。輕身增年不老。

石鍾乳。味甘溫。生山谷。治欬逆上氣。明目益精。安五藏。
通百節。利九竅。下乳汁。

殷孽。一名薑石。味辛溫。生山谷。治爛傷瘀血。泄利寒熱。
鼠瘻。癰疽結氣。

孔公孽。味辛溫。生山谷。治傷食不化。邪結氣。惡瘡疽瘻。

痔利九竅。下乳汁。

石流黃。味酸溫。生谷中。治婦人陰蝕。疽痔惡血。堅筋。頭禿。能化金銀銅鐵奇物。

凝水石。一名白水石。味辛寒。生山谷。治身熱。腹中積聚。邪氣。皮中如火燒爛。煩滿。水飲之。久服不飢。

石膏。味辛微寒。生山谷。治中風寒熱。心下逆氣。驚喘。口乾舌焦。不能息。腹中堅痛。除邪鬼。產乳金創。

陽起石。一名白石。味鹹微溫。生山谷。治崩中漏下。破子藏中血。癥瘕結氣。寒熱腹痛。無子。陰陽痿不合。補不足。慈石。一名玄石。味辛寒。生川谷。治周痹風溼。肢節中痛。

不可持物。洗洗酸痛。除大熱煩滿及耳聾。

理石。一名立制石。味辛寒。生山谷。治身熱。利胃解煩。益精明目。破積聚。去三蟲。

長石。一名方石。味辛寒。生山谷。治身熱。四肢寒厥。利小便。通血脈。明目去翳眇。去三蟲。殺蠱毒。久服不飢。

膚青。味辛平。生川谷。治蠱毒。毒蛇菜肉諸毒。惡瘡。

鐵落。味辛平。生平澤。治風熱惡瘡。瘍疽瘡痂。疥氣在皮膚中。鐵堅肌耐痛。鐵精明目化銅。

當歸。一名乾歸。味甘溫。生川谷。治欬逆上氣。溫瘧寒熱。洗洗在皮膚中。婦人漏下絕子。諸惡瘡瘍。金創。煮飲之。

防風一名銅芸。味甘溫。生川澤。治大風頭眩痛。惡風風邪。目昏無所見。風行周身。骨節疼痛。痹煩滿。久服輕身。秦艽。味苦平。生山谷。治寒熱邪氣。寒溼風痹。肢節痛。下水利小便。

黃耆一名戴糝。味甘微溫。生山谷。治癰疽久敗瘡。排膿止痛。大風癰疾。五痔鼠瘻。補虛。小兒百病。吳茱萸一名藟。味辛溫。生川谷。溫中下氣。止痛。欬逆寒熱。除溼血痹。逐風邪。開湊理。根殺三蟲。黃芩一名腐腹。味苦平。生川谷。治諸熱黃疸。腸澼泄利。逐水下血閉。惡瘡疽蝕火瘍。

黃連。一名王連。味苦寒。生川谷。治熱氣。目痛。背傷。泣出。明目。腸辟。腹痛。下利。婦人陰中腫痛。久服令人不忘。五味。味酸溫。生山谷。益氣。欬逆。上氣。勞傷。羸瘦。補不足。強陰。益男子精。

決明。味鹹平。生川澤。治青盲。目淫。膚赤。白膜。眼赤。痛淚出。久服益精光。輕身。

勻藥。味苦平。生川谷。治邪氣。腹痛。除血痹。破堅積。寒熱。

疝瘕。止痛。利小便。益氣。

桔梗。味辛微溫。生山谷。治胃脅痛如刀刺。腹滿。腸鳴。幽。幽。驚恐。悸氣。

乾薑。味辛溫。生川谷。治胃滿欬逆上氣。溫中止血出汗。逐風溼痹。腸辟下利。生者尤良。久服去臭氣。通神明。

芎藭。味辛溫。生川谷。治中風入腦頭痛。寒痹攣緩急。金創。婦人血閉無子。

蘼蕪。一名薇蕪。味辛溫。生川澤。治欬逆。定驚氣。辟邪惡。除蠱毒。鬼注。去三蟲。久服通神。

藁本。一名鬼卿。一名地新。味辛溫。生山谷。治婦人疝瘕。陰中寒腫痛。腹中急。除風頭痛。長肌膚。悅顏色。

麻黃。一名龍沙。味苦溫。生川谷。治中風傷寒頭痛。溫瘧。發表出汗。去邪熱氣。止欬逆上氣。除寒熱。破癥堅積聚。

神農本草經 卷中
葛根。一名雞齊根。味甘平。生川谷。治消渴。身大熱。嘔吐諸痹。起陰氣。解諸毒。葛穀治下利十歲已上。

知母。一名蜚母。一名連母。一名野蓼。一名地參。一名水參。一名水浚。一名貨母。一名蜚母。味苦寒。生川谷。治消渴熱中。除邪氣。肢體浮腫。下水。補不足益氣。

貝母。一名空草。味辛平。治傷寒煩熱。淋瀝邪氣。疝瘕。喉痹乳難。金創風瘕。

栝樓。一名地樓。味苦寒。生川谷。治消渴。身熱煩滿。大熱。補虛安中。續絕傷。

丹參。一名卻蟬草。味苦微寒。生川谷。治心腹邪氣。腸鳴。

幽幽如走水。寒熱積聚。破癥除瘕。止煩滿。益氣。

龍眼。一名益智。味甘平。生山谷。治五藏邪氣。安志厭食。久服強魂魄。聰察。輕身不老。通神明。

厚朴。味苦溫。生山谷。治中風傷寒頭痛。寒熱驚氣。血痹死肌。去三蟲。

猪苓。一名假猪矢。味甘平。生山谷。治痰瘧。解毒。蠱注不祥。利水道。久服輕身耐老。

竹葉。味苦平。治欬逆上氣。溢筋惡瘍。殺小蟲。根作湯。益氣止渴。補虛下氣。汁治風痙痹。實通神明。輕身益氣。

枳實。味苦寒。生川澤。治大風在皮膚中如麻豆苦痒。除

寒熱熱結。止利。長肌肉。利五藏。益氣輕身。

玄參一名重臺。味苦微寒。生川谷。治腹中寒熱積聚。女子產乳餘疾。補腎氣。令人目明。

沙參一名知母。味苦微寒。生川谷。治血積驚氣。除寒熱。補中益肺氣。久服利人。

苦參一名水槐。一名苦蕒。味苦寒。生山谷。治心腹結氣。癥瘕積聚。黃疸。溺有餘瀝。逐水。除癰腫。補中。明目止淚。續斷一名龍豆。一名屬折。味苦微溫。生山谷。治傷寒。補不足。金創癰傷折跌。續筋骨。婦人乳難。久服益氣力。

山茱萸一名蜀棗。味酸平。生山谷。治心下邪氣寒熱。溫

中。逐寒溼痹。去三蟲。久服輕身。

桑根白皮。味甘寒。生山谷。治傷中五勞六極羸瘦。崩中脈絕。補虛益氣。葉除寒熱。出汗。桑耳。黑者。治女子漏下。赤白汁血病。癥瘕積聚腹痛。陰陽寒熱。無子。五木耳名櫛。益氣不飢。輕身強志。

松蘿。一名女蘿。味苦平。生川谷。治瞋怒邪氣。止虛汗出。風頭。女子陰寒腫痛。

白棘。一名棘鍼。味辛寒。生川谷。治心腹痛。癰腫。潰膿止痛。

狗脊。一名百枝。味苦平。生川谷。治腰背強。關節緩急。周

痹寒溼膝痛。頗利老人。

草解。味苦平。生山谷。治腰背痛強。骨節風寒溼周痹。惡瘡不瘳。熱氣。

通草。一名附支。味辛平。生山谷。去惡蟲。除脾胃寒熱。通利九竅血脈關節。令人不忘。

石韋。一名石韞。味苦平。生山谷。治勞熱邪氣。五癰閉不通。利小便水道。

瞿麥。一名巨句麥。味苦寒。生川谷。治關格諸癰結。小便不通。出刺決癰腫。明目去翳。破胎墮子。下閉血。敗醬。一名鹿腸。味苦平。生川谷。治暴熱火瘡。赤氣疥瘙。

疽痔馬鞍。熱氣。

秦皮。味苦微寒。生川谷。治風寒溼痹。洗洗寒氣。除熱。目
中青翳白膜。久服頭不白。輕身。

白芷。一名芳香。味辛溫。生川谷。治女人漏下赤白。血閉
陰腫。寒熱。風頭。侵目。淚出。長肌膚潤澤。可作面脂。

杜若。一名杜蘅。味辛微溫。生川澤。治胃脅下逆氣。溫中。
風入腦戶。頭腫痛。多涕淚出。久服益精明目。輕身。

檳木。一名檀栢。味苦寒。生山谷。治五藏腸胃中結氣熱。
黃疸腸痔。止泄利。女子漏下赤白。陰陽蝕瘡。

枝子。一名木丹。味苦寒。生川谷。治五內邪氣。胃中熱氣。

面赤酒皸。鼽鼻。白癩。赤癩。瘡瘍。

合歡。味甘平。生川谷。安五藏。和心志。令人歡樂無憂。久服輕身明目。得所欲。

衛矛。一名鬼箭。味苦寒。生山谷。治女子崩中下血。腹滿汗出。除邪。殺鬼毒。蠱注。

紫葳。味酸微寒。生川谷。治婦人乳餘疾。崩中。癥瘕。血閉。寒熱。羸瘦。養胎。

無夷。一名無姑。一名葳蕤。味辛平。生川谷。治五內邪氣。散皮膚骨節中淫淫行毒。去三蟲。化食。

紫草。一名紫丹。一名紫芙。味苦寒。生山谷。治心腹邪氣。